

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



一. 十信 – 普光明殿

本 體	佛	如來名號品
	法	四聖諦品
	僧	光明覺品
力 用	佛	菩薩問明品
	法	淨行品
	僧	賢首品



華嚴經四聖諦品之文殊師利菩薩說十方世界四聖諦之一

		爾時，文殊師利菩薩摩訶薩告諸菩薩言：（見附8-1）
中央——娑婆世界	苦	諸佛子！苦聖諦，此娑婆世界中，或名罪，或名逼迫，或名變異，或名攀緣，或名聚，或名刺，或名依根，或名虛誑，或名癰瘡處，或名愚夫行。
	集	諸佛子！苦集聖諦，此娑婆世界中，或名繫縛，或名滅壞，或名愛著義，或名妄覺念，或名趣入，或名決定，或名網，或名戲論，或名隨行，或名顛倒根。
	滅	諸佛子！苦滅聖諦，此娑婆世界中，或名無諍，或名離塵，或名寂靜，或名無相，或名無沒，或名無自性，或名無障礙，或名滅，或名體真實，或名住自性。
	道	諸佛子！苦滅道聖諦，此娑婆世界中，或名一乘，或名趣寂，或名導引，或名究竟無分別，或名平等，或名捨擔，或名無所趣，或名隨聖意，或名仙人行，或名十藏。
		諸佛子！此娑婆世界說四聖諦，有如是等四百億十千名；隨眾生心，悉令調伏。
東方——大圓鏡智密訓世界	苦	諸佛子！此娑婆世界所言苦聖諦者，彼密訓世界中，或名營求根，或名不出離，或名繫縛本，或名作所不應作，或名普聞諍，或名分析悉無力，或名作所依，或名極苦，或名躁動，或名形狀物。
	集	諸佛子！所言苦集聖諦者，彼密訓世界中，或名順生死，或名染著，或名燒然，或名流轉，或名敗壞根，或名續諸有，或名惡行，或名愛著，或名病源，或名分數。
	滅	諸佛子！所言苦滅聖諦者，彼密訓世界中，或名第一義，或名出離，或名可讚歎，或名安隱，或名善入處，或名調伏，或名一分，或名無罪，或名離貪，或名決定。
	道	諸佛子！所言苦滅道聖諦者，彼密訓世界中，或名猛將，或名上行，或名超出，或名有方便，或名平等眼，或名離邊，或名了悟，或名攝取，或名最勝眼，或名觀方。
		諸佛子！密訓世界說四聖諦，有如是等四百億十千名；隨眾生心，悉令調伏。
南方——平等性智最勝世界	苦	諸佛子！此娑婆世界所言苦聖諦者，彼最勝世界中，或名恐怖，或名分段，或名可厭惡，或名須承事，或名變異，或名招引怨，或名能欺奪，或名難共事，或名妄分別，或名有勢力。
	集	諸佛子！所言苦集聖諦者，彼最勝世界中，或名敗壞，或名癡根，或名大怨，或名利刃，或名滅味，或名仇對，或名非己物，或名惡導引，或名增黑闇，或名壞善利。
	滅	諸佛子！所言苦滅聖諦者，彼最勝世界中，或名大義，或名饒益，或名義中義，或名無量，或名所應見，或名離分別，或名最上調伏，或名常平等，或名可同住，或名無為。
	道	諸佛子！所言苦滅道聖諦者，彼最勝世界中，或名能燒然，或名最上品，或名決定，或名無能破，或名深方便，或名出離，或名不下劣，或名通達，或名解脫性，或名能度脫。
		諸佛子！最勝世界說四聖諦，有如是等四百億十千名；隨眾生心，悉令調伏。

華嚴經四聖諦品之文殊師利菩薩說十方世界四聖諦之二

西方—— 妙觀察智離垢世界	苦	諸佛子！此娑婆世界所言苦聖諦者，彼離垢世界中，或名悔恨，或名資待，或名展轉，或名住城，或名一味，或名非法，或名居宅，或名妄著處，或名虛妄見，或名無有數。
	集	諸佛子！所言苦集聖諦者，彼離垢世界中，或名無實物，或名但有語，或名非潔白，或名生地，或名執取，或名鄙賤，或名增長，或名重擔，或名能生，或名麤獷。
	滅	諸佛子！所言苦滅聖諦者，彼離垢世界中，或名無等等，或名普除盡，或名離垢，或名最勝根，或名稱會，或名無資待，或名滅惑，或名最上，或名畢竟，或名破印。
	道	諸佛子！所言苦滅道聖諦者，彼離垢世界中，或名堅固物，或名方便分，或名解脫本，或名本性實，或名不可毀，或名最清淨，或名諸有邊，或名受寄全，或名作究竟，或名淨分別。
		諸佛子！離垢世界說四聖諦，有如是等四百億十千名；隨眾生心，悉令調伏。
北方—— 成所作智豐溢世界	苦	諸佛子！此娑婆世界所言苦聖諦者，彼豐溢世界中，或名愛染處，或名險害根，或名有海分，或名積集成，或名差別根，或名增長，或名生滅，或名障礙，或名刀劍本，或名數所成。
	集	諸佛子！所言苦集聖諦者，彼豐溢世界中，或名可惡，或名名字，或名無盡，或名分數，或名不可愛，或名能攫噬，或名麤鄙物，或名愛著，或名器，或名動。
	滅	諸佛子！所言苦滅聖諦者，彼豐溢世界中，或名相續斷，或名開顯，或名無文字，或名無所修，或名無所見，或名無所作，或名寂滅，或名已燒盡，或名捨重擔，或名已除壞。
	道	諸佛子！所言苦滅道聖諦者，彼豐溢世界中，或名寂滅行，或名出離行，或名勤修證，或名安隱去，或名無量壽，或名善了知，或名究竟道，或名難修習，或名至彼岸，或名無能勝。
		諸佛子！豐溢世界說四聖諦，有如是等四百億十千名；隨眾生心，悉令調伏。
東北方—— 彌勒智攝取世界	苦	諸佛子！此娑婆世界所言苦聖諦者，彼攝取世界中，或名能劫奪，或名非善友，或名多恐怖，或名種種戲論，或名地獄性，或名非實義，或名貪欲擔，或名深重根，或名隨心轉，或名根本空。
	集	諸佛子！所言苦集聖諦者，彼攝取世界中，或名貪著，或名惡成辦，或名過惡，或名速疾，或名能執取，或名想，或名有果，或名無可說，或名無可取，或名流轉。
	滅	諸佛子！所言苦滅聖諦者，彼攝取世界中，或名不退轉，或名離言說，或名無相狀，或名可欣樂，或名堅固，或名上妙，或名離癡，或名滅盡，或名遠惡，或名出離。
	道	諸佛子！所言苦滅道聖諦者，彼攝取世界中，或名離言，或名無諍，或名教導，或名善迴向，或名大善巧，或名差別方便，或名如虛空，或名寂靜行，或名勝智，或名能了義。
		諸佛子！攝取世界說四聖諦，有如是等四百億十千名；隨眾生心，悉令調伏。

華嚴經四聖諦品之文殊師利菩薩說十方世界四聖諦之三

東南方——普賢智饒益世界	苦	諸佛子！此娑婆世界所言苦聖諦者，彼饒益世界中，或名重擔，或名不堅，或名如賊，或名老死，或名愛所成，或名流轉，或名疲勞，或名惡相狀，或名生長，或名利刃。
	集	諸佛子！所言苦集聖諦者，彼饒益世界中，或名敗壞，或名渾濁，或名退失，或名無力，或名喪失，或名乖違，或名不和合，或名所作，或名取，或名意欲。
	滅	諸佛子！所言苦滅聖諦者，彼饒益世界中，或名出獄，或名真實，或名離難，或名覆護，或名離惡，或名隨順，或名根本，或名捨因，或名無為，或名無相續。
	道	諸佛子！所言苦滅道聖諦者，彼饒益世界中，或名達無所有，或名一切印，或名三昧藏，或名得光明，或名不退法，或名能盡有，或名廣大路，或名能調伏，或名有安隱，或名不流轉根。
		諸佛子！饒益世界說四聖諦，有如是等四百億十千名；隨眾生心，悉令調伏。
西南方——文殊智鮮少世界	苦	諸佛子！此娑婆世界所言苦聖諦者，彼鮮少世界中，或名險樂欲，或名繫縛處，或名邪行，或名隨受，或名無慚恥，或名貪欲根，或名恒河流，或名常破壞，或名炬火性，或名多憂惱。
	集	諸佛子！所言苦集聖諦者，彼鮮少世界中，或名廣地，或名能趣，或名遠慧，或名留難，或名恐怖，或名放逸，或名攝取，或名著處，或名宅主，或名連縛。
	滅	諸佛子！所言苦滅聖諦者，彼鮮少世界中，或名充滿，或名不死，或名無我，或名無自性，或名分別盡，或名安樂住，或名無限量，或名斷流轉，或名絕行處，或名不二。
	道	諸佛子！所言苦滅道聖諦者，彼鮮少世界中，或名大光明，或名演說海，或名揀擇義，或名和合法，或名離取著，或名斷相續，或名廣大路，或名平等因，或名淨方便，或名最勝見。
		諸佛子！鮮少世界說四聖諦，有如是等四百億十千名；隨眾生心，悉令調伏。
西北方——觀音智歡喜世界	苦	諸佛子！此娑婆世界所言苦聖諦者，彼歡喜世界中，或名流轉，或名出生，或名失利，或名染著，或名重擔，或名差別，或名內險，或名集會，或名惡舍宅，或名苦惱性。
	集	諸佛子！所言苦集聖諦者，彼歡喜世界中，或名地，或名方便，或名非時，或名非實法，或名無底，或名攝取，或名離戒，或名煩惱法，或名狹劣見，或名垢聚。
	滅	諸佛子！所言苦滅聖諦者，彼歡喜世界中，或名破依止，或名不放逸，或名真實，或名平等，或名善淨，或名無病，或名無曲，或名無相，或名自在，或名無生。
	道	諸佛子！所言苦滅道聖諦者，彼歡喜世界中，或名入勝界，或名斷集，或名超等類，或名廣大性，或名分別盡，或名神力道，或名眾方便，或名正念行，或名常寂路，或名攝解脫。
		諸佛子！歡喜世界說四聖諦，有如是等四百億十千名；隨眾生心，悉令調伏。

華嚴經四聖諦品之文殊師利菩薩說十方世界四聖諦四

下方——法性智關鑰世界	苦	諸佛子！此娑婆世界所言苦聖諦者，彼關鑰世界中，或名敗壞相，或名如坏器，或名我所成，或名諸趣身，或名數流轉，或名眾惡門，或名性苦，或名可棄捨，或名無味，或名來去。
	集	諸佛子！所言苦集聖諦者，彼關鑰世界中，或名行，或名憤毒，或名和合，或名受支，或名我心，或名雜毒，或名虛稱，或名乖違，或名熱惱，或名驚駭。
	滅	諸佛子！所言苦滅聖諦者，彼關鑰世界中，或名無積集，或名不可得，或名妙藥，或名不可壞，或名無著，或名無量，或名廣大，或名覺分，或名離染，或名無障礙。
	道	諸佛子！所言苦滅道聖諦者，彼關鑰世界中，或名安隱行，或名離欲，或名究竟實，或名入義，或名性究竟，或名淨現，或名攝念，或名趣解脫，或名救濟，或名勝行。
		諸佛子！關鑰世界說四聖諦，有如是等四百億十千名；隨眾生心，悉令調伏。
上方——法界智振音世界	苦	諸佛子；此娑婆世界所言苦聖諦者，彼振音世界中，或名匿疵，或名世間，或名所依，或名傲慢，或名染著性，或名駛流，或名不可樂，或名覆藏，或名速滅，或名難調。
	集	諸佛子！所言苦集聖諦者，彼振音世界中，或名須制伏，或名心趣，或名能縛，或名隨念起，或名至後邊，或名共和合，或名分別，或名門，或名飄動，或名隱覆。
	滅	諸佛子！所言苦滅聖諦者，彼振音世界中，或名無依處，或名不可取，或名轉還，或名離諍，或名小，或名大，或名善淨，或名無盡，或名廣博，或名無等價。
	道	諸佛子！所言苦滅道聖諦者，彼振音世界中，或名觀察，或名能摧敵，或名了知印，或名能入性，或名難敵對，或名無限義，或名能入智，或名和合道，或名恒不動，或名殊勝義。
		諸佛子！振音世界說四聖諦，有如是等四百億十千名；隨眾生心，悉令調伏。
結會		諸佛子！如此娑婆世界中，說四聖諦，有四百億十千名。如是，東方百千億無數無量、無邊無等、不可數、不可稱、不可思、不可量、不可說，盡法界、虛空界、所有世界，彼一一世界中，說四聖諦，亦各有四百億十千名；隨眾生心，悉令調伏。
		如東方，南、西、北方，四維、上、下，亦復如是。諸佛子！如娑婆世界，有如上所說；十方世界，彼一切世界亦各有如是。十方世界，一一世界中，說苦聖諦有百億萬種名，說集聖諦、滅聖諦、道聖諦亦各有百億萬種名；皆隨眾生心之所樂，令其調伏。

附8-1：華嚴經四聖諦品之十方世界四聖諦法差別名稱

西北-觀音方便智			北-成所作智			東北-彌勒法相智		
世界	四聖諦	四百億十千名	世界	四聖諦	四百億十千名	世界	四聖諦	四百億十千名
歡喜世界	苦	流轉，染著，重擔，…	豐溢世界	苦	愛染處，險害根，…	攝取世界	苦	能劫奪，非善友，…
	集	地，無底，煩惱法，…		集	可惡，無盡，愛著，…		集	貪著，過惡，能執取，…
	滅	不放逸，真實，平等，…		滅	相續短，無文字，…		滅	不退轉，離言說，…
	道	入聖界，廣大性，…		道	寂滅行，出離行，…		道	離言，無爭，教導，…
西-妙觀察智			中-法界體性			東-大圓鏡智		
世界	四聖諦	四百億十千名	世界	四聖諦	四百億十千名	世界	四聖諦	四百億十千名
離垢世界	苦	悔恨，居宅，虛妄見，…	娑婆世界	苦	罪，逼迫，變異，…	密訓世界	苦	營求根，不出離，…
	集	無實物，非潔白，執取，…		集	繫縛，滅壞，愛著義，…		集	順生死，染著，燒然，…
	滅	無等等，離垢，最勝根，…		滅	無爭，離塵，寂靜，…		滅	第一義，出離，安隱，…
	道	解脫本，最清靜，…		道	一乘，趣寂，平等，…		道	超出，平等眼，了悟，…
西南-文殊應用智			南-平等性智			東南-普賢法界智		
世界	四聖諦	四百億十千名	世界	四聖諦	四百億十千名	世界	四聖諦	四百億十千名
鮮少世界	苦	險樂欲，邪行，無慚恥，…	最勝世界	苦	恐怖，分段，可厭惡，…	饒益世界	苦	重擔，如賊，老死，…
	集	恐怖，放逸，攝取，…		集	敗壞，癡根，大怨，…		集	敗壞，渾濁，退失，…
	滅	不死，無我，無自性，…		滅	大義，饒益，義中義，…		滅	真實，離難，隨順，…
	道	大光明，平等因，…		道	最上品，無能破，…		道	得光明，不退法，…
			下-法性智			上-法界智		
			世界	四聖諦	四百億十千名	世界	四聖諦	四百億十千名
			關鍵世界	苦	敗壞相，眾惡門，…	振音世界	苦	世間，染著性，…
				集	行，憤毒，我心，…		集	隨念起，共和合，…
				滅	不可得，無著，無量，…		滅	離依處，不可取，…
				道	離欲，究竟實，趣解脫，…		道	無限義，殊勝義，…

(返回第210頁)